



REPUBLIKA E SHQIPËRISË  
KËSHILLI I MINISTRAVE

**PROJEKTVENDIM**

Nr. \_\_\_\_, datë \_\_.\_\_.2025

**PËR  
MIRATIMIN E RREGULLORES SË PËRGJITHSHME TË METODOLOGJISË SË  
PËRCAKTIMIT TË DËNIMEVE ADMINISTRATIVE, NË PROCESIN E  
INSPEKTIMIT**

Në mbështetje të nenit 100, të Kushtetutës dhe të nenit 44 pika 7, të ligjit nr. 99/2024, datë 12.09.2024, Për inspektimin në Republikën e Shqipërisë”, me propozimin e ministrit të Shtetit për Sipërmarrjen dhe Klimën e Biznesit, Këshilli i Ministrave,

**VENDOSI:**

1. Miratimin e Rregullores së Përgjithshme të Metodologjisë së përcaktimit të dënimeve administrative, në procesin e inspektimit, sipas tekstit që i bashkëlidhet këtij vendimi.
2. Ngarkohen ministritë e linjës, inspektoratet qendrore dhe strukturat inspektuese, Inspektorati i Përgjithshëm, njësitë e vetëqeverisjes vendore dhe inspektoratet vendore për zbatimin e këtij vendimi.

Ky vendim hyn në fuqi pas botimit në Fletoren Zyrtare.

**KRYEMINISTËR**

**Edi Rama**

**RREGULLORJA E PËRGJITHSHME E METODOLOGJISË SË PËRCAKTIMIT TË  
DËNIMEVE ADMINISTRATIVE, NË PROCESIN E INSPEKTIMIT**

## I. DISPOZITA TË PËRGJITHSHME

1. Kjo rregullore ka si qëllim përcaktimin e rregullave të përgjithshme bazë mbi metodologjinë e përcaktimit të dënimeve administrative, në procesin e inspektimit, në përputhje me parimin e proporcionalitetit.
2. Kjo rregullore është e zbatueshme nga inspektoratet qendrore, inspektoratet vendore dhe strukturat inspektuese, trupat e të cilave gjatë veprimtarisë inspektuese, në rastet e konstatimit të shkeljeve ligjore nga subjektet e inspektimit, japin dënime administrative, në përputhje me legjislacionin e zbatueshëm në fushën përkatëse të inspektimit.
3. Rregullat e përgjithshme të përcaktimit të dënimeve administrative, sipas këtij vendimi, zbatohen në rastet kur në ligjin për inspektimin dhe ligjet e posaçme:
  - a) dënimet administrative nuk janë të përcaktuara në kryesore dhe plotësuese, me qëllim renditjen sipas një hierarkie të masave administrative;
  - b) dënimet administrative janë të përcaktuara në intervale, me qëllim përcaktimin e faktorëve të riskut dhe treguesve të shkeljes për çdo rast të mundshëm;
  - c) përshkallëzimi i dënimit administrativ nuk është i përcaktuar, me qëllim përcaktimin e masës administrative në varësi të shkeljes ligjore të konstatuar dhe në mënyrë graduale;
  - ç) shoqërimi i dënimit kryesor me dënime plotësuese nuk është i përcaktuar.
4. Në kuptim të kësaj Rregullore, termat e mëposhtëm kanë këto kuptime:
  - a) “Dënim administrativ” ka të njëjtin kuptim si në ligjin nr. 99/2024, datë 12.09.2024, “Për inspektimin në Republikën e Shqipërisë”;
  - b) “Faktor” është një rrethanë, fakt apo ndikim, që përcakton masën e dënimit administrativ.
  - c) “Inspektim” është çdo formë kontrolli sipas përcaktimeve në ligjin nr. 99/2024, “Për inspektimin në Republikën e Shqipërisë”.
  - ç) “Inspektim i parë” është çdo inspektim i trupës inspektuese me qëllim vlerësimin e përputhshmërisë me kërkesat ligjore të veprimtarisë së subjektit të inspektimit, sipas programit mujor të inspektimit ose përjashtimisht jashtë programit mujor të inspektimit, sipas përcaktimeve në ligjin nr. 99/2024, “Për inspektimin në Republikën e Shqipërisë”.
  - d) “Paralajmërimi” është dënimi administrativ kryesor në inspektimin e parë të trupës inspektuese, sipas përcaktimeve në ligjin për inspektimin.
  - dh) “Sistemi elektronik “e-Inspektim”” është sistemi elektronik unik i inspektimeve, përmes së cilit dokumentohet dhe administrohet veprimtaria e inspektimit, që kryhet nga inspektoratet qendrore dhe vendore sipas ligjit për inspektimin.
  - e) “Sistem pikëzimi” është mbledhja e vlerës së treguesve për secilin faktor në një shumatore të përgjithshme.
  - ë) “Strukturë inspektuese”, është struktura që kryen funksione inspektimi në juridiksionin e pushtetit ekzekutiv të qeverisjes qendrore dhe që është në fushë zbatimin e ligjit nr. 99/2024, “Për inspektimin në Republikën e Shqipërisë”;
  - f) “Subjekt përsëritës” është subjekti i inspektimit, i cili gjatë ushtrimit të veprimtarisë, në mënyrë të përsëritur më shumë se një herë, konstatohet në kundërshtim apo në shkelje të ligjit në veprimtarinë që kryen, e cila përbën objekt inspektimi sipas ligjit për inspektimin dhe ligjit të posaçëm

- g) “Tregues i faktorit” është instrumenti që shërben për përlogaritjen e vlerës së faktorit.
5. Në përcaktimin e dënimit apo masës administrative, inspektori vendos dënimin administrativ në përputhje me parimin e proporcionalitetit të parashikuar nga Kodi i Procedurave Administrative dhe ligji nr. 99/2024, “Për inspektimin në Republikën e Shqipërisë”, për sa i takon procedurës së inspektimit, si dhe për atë që është e nevojshme dhe e përshtatshme për arritjen e qëllimit dhe objektivave të inspektimit, si dhe mos përsëritjen e shkeljes së kërkesave ligjore.

## II. METODOLOGJIA E PËRCAKTIMIT TË DËNIMEVE ADMINISTRATIVE

1. Trupa inspektuese zbaton rregullat dhe procedurat uniforme për vendosjen e sanksioneve administrative, me qëllim që dënimet administrative për shkeljet e kërkesave ligjore, të aplikohen në mënyrë të drejtë, të barabartë dhe të qëndrueshme për të gjitha subjektet e inspektimit.
2. Në inspektimin e parë pranë subjektit të inspektimit, trupa inspektuese, kur konstaton shkelje të kërkesave ligjore, për të cilat ligji i posaçëm nuk parashikon pezullimin e aktivitetit, vendos dënimin administrativ “Paralajmërim”, si dhe i lë afat subjektit të inspektimit për korrigjimin e shkeljes së konstatuar.
3. Në inspektimin për verifikimin e korrigjimit të shkeljeve, kur konstaton se shkeljet e kërkesave ligjore nuk janë korrigjuar nga ana e subjektit të inspektimit, merr dënimin administrativ që të jetë i mjaftueshëm për të arritur qëllimin e inspektimit, zgjidhjen në kohë të shkeljes, për të arritur përputhshmërinë ligjore e për të penguar përsëritjen e saj në të ardhmen dhe mungesën e bashkëpunimit nga ana e subjektit të inspektuar.
4. Trupa inspektuese në vendosjen e dënimit administrativ bazohet në metodologjinë e llogaritjes logjike të të gjithë faktorëve përbërës të tij, për të realizuar zgjidhjen në kohë dhe të drejtë të shkeljes së kërkesave ligjore të konstatuara, sipas parametrave të dënimeve administrative të përcaktuara nga legjislacioni i posaçëm dhe ai i inspektimit, sipas Aneksit I.
5. Dënimi administrativ në përfundim të procedurës së inspektimit është i zbatueshëm vetëm në sistemin elektronik të inspektimeve, sipas metodologjisë së përcaktuar për secilin inspektorat qendror.
6. Çdo inspektorat qendror/vendor/strukturë inspektuese hedh dhe në sistemin elektronik të inspektimeve “e-Inspektimi” të gjitha shkeljet ligjore të identifikuara nga legjislacioni i posaçëm dhe dënimet administrative respektive dhe bën lidhjen e shkeljes administrative me dënimin administrativ të parashikuar në këtë legjislacion.
7. Inspektorati i Përgjithshëm hedh në sistemin elektronik të inspektimeve të gjitha shkeljet ligjore të identifikuara nga ligji për inspektimin dhe bën lidhjen e shkeljes administrative me dënimin administrativ të parashikuar në këtë ligj.

## III. FAKTORËT E RISKUT PËR PËRCAKTIMIN E DËNIMEVE ADMINISTRATIVE

1. Faktorët e riskut për përcaktimin e dënimit administrativ vlerësojnë shkallën e shkeljes dhe ndikimin e saj, me qëllim përcaktimin e masës së dënimit në përputhje me parimin e

- proporcionalitetit dhe transparencës, për reflektimin me saktësi rrezikshmërinë dhe ndikimin e shkeljes.
2. Faktorët e riskut për përcaktimin e dënimit administrativ kontribuojnë në vlerësimin e çdo shkelje, sipas rrethanave konkrete dhe karakteristikave të subjektit, me qëllim individualizimin e çdo shkelje administrative.
  3. Në përzgjedhjen e dënimit administrativ dhe caktimin e masës së tij, trupa inspektuese merr parasysh përmbajtjen e faktorëve si më poshtë:
    - a) qëllimi, nëse shkelja e kërkesës ligjore nga subjekti i inspektimit është kryer me dashje ose nga pakujdesia;
    - b) natyra, rëndësia dhe kohëzgjatja e shkeljes së kërkesës ligjore, duke marrë parasysh natyrën, objektin ose qëllimin e veprimtarisë së subjektit të inspektimit;
    - c) dëmin e shkaktuar ndaj interesit publik dhe të interesave të ligjshëm të personave fizikë e juridikë, numrin e personave të tretë të dëmtuar, nëse ka, si dhe nivelin e dëmit të shkaktuar ndaj tyre;
    - ç) çdo veprim që subjekti i inspektimit ka ndërmarrë për të zbutur dëmin e shkaktuar si rezultat i shkeljes së kryer;
    - d) shkalla e përgjegjësisë së subjektit të inspektimit, duke marrë parasysh masat e zbatuara prej tij, për të garantuar zbatimin e ligjit;
    - dh) historiku i shkeljeve të konstatuara nga inspektimet e mëparshme, veçanërisht kur ato janë të ngjashme me shkeljet në shqyrtim apo kur subjekti është përsëritës;
    - e) bashkëpunimi me institucionin përkatës për të eliminuar apo zgjidhur problemet në kohë;
    - ë) zbatimi i masave për korrigjimin e shkeljeve, kur përpara shkeljes për të cilën jepet dënimi administrativ, këto masa janë dhënë ndaj subjektit në lidhje me të njëjtën shkelje ose shkelje të ngjashme;
    - f) afatin e arsyeshëm të korrigjimit të shkeljeve të kërkesave ligjore dhe eliminimit të pasojave që rrjedhin prej tyre, për aq sa nuk vjen me kundërshtim me përcaktimet e ligjit të posaçëm për afatet administrative të rikthimit të gjendjes së ligjshmërisë nga subjekti i inspektimit;
    - g) madhësinë e subjektit të inspektimit dhe vëllimin e punës që kryen;
    - gj) eksperiencën/vjetërsinë në zhvillimin e veprimtarisë të subjektit të inspektimit, si rrethanë lehtësuese ose rënduese në varësi të rastit konkret;
    - h) çdo rrethanë tjetër rënduese ose lehtësuese që lidhet me rrethanat e çështjes së inspektimit, si përfitimet financiare ose humbjet e shmangura, në mënyrë të drejtpërdrejtë ose tërthorazi nga shkelja e konstatuar.
  4. Për secilin nga faktorët e parashikuar në pikën 1 të këtij kreu, inspektoratet qendrore, inspektoratet vendore dhe strukturat inspektuese përcaktojnë treguesit dhe kufijtë minimalë dhe maksimalë të secilit prej tyre, për aq sa nuk vijnë në kundërshtim me ligjin e posaçëm.

#### IV. IDENTIFIKIMI DHE VLERËSIMI I FAKTORËVE

1. Trupa inspektuese, gjatë procesit të inspektimit, identifikon gjendjen e treguesve të faktorëve që përcaktojnë masën e dënimit, rast pas rasti, lidhur me situatat ose rrethanat e shkeljes së kërkesave ligjore të konstatuara, llojin dhe peshën e shkeljes.

2. Gjatë procesit të inspektimit, pas identifikimit të shkeljes, trupa inspektuese realizon vlerësimin e faktorëve, duke renditur faktorët në përputhje me rëndësinë e tyre në rastin, objekt inspektimi, si dhe duke analizuar ndikimin e çdo faktori.
3. Sistemi elektronik i inspektimeve “e-Inspektimi” përllëgarit një shumatore të përgjithshme, duke përcaktuar vlerën e treguesit për çdo shkelje.
4. Në përcaktimin e faktorëve, inspektorati qendror, inspektorati vendor dhe struktura inspektuese, sipas fushës së përgjegjësisë, vendos treguesit për secilin faktor dhe vlerësimin përkatës për çdo njërin prej tyre. Këta tregues mund të ndryshojnë sipas akteve ligjore dhe nënligjore në fuqi.

#### V. TREGUESIT E FAKTORËVE QË PËRCAKTOJNË MASËN E DËNIMIT ADMINISTRATIV

1. Faktorët e shkeljes/kundërvajtjes administrative janë rrethanat që përcaktojnë dhe ndikojnë në masën e dënimit administrativ.
2. Treguesit e faktorëve që përcaktojnë dënimin administrativ janë komponentë të veçantë në përcaktimin e saktë të sanksioneve për shkeljet administrative të konstatuara.
3. Treguesit e faktorëve të shkeljes/kundërvajtjes, shprehin në mënyrë cilësore dhe sasiore peshën e tyre brenda të njëjtit faktor, si dhe ndërmjet faktorëve të ndryshëm të shkeljes/kundërvajtjes .
4. Treguesit e faktorëve të shkeljes/kundërvajtjes janë të matshëm në një shumatore të përgjithshme për të gjithë faktorët e dënimit administrativ.
5. Peshë e treguesve të faktorëve të shkeljes/kundërvajtjes përditësohet në bazë të kritereve objektive të inspektorateve qendrore, inspektorateve vendore dhe strukturave inspektuese.
6. Inspektoratet qendrore, inspektoratet vendore dhe strukturat inspektuese përcaktojnë në rregulloren e tyre të metodologjisë së përcaktimit të dënimeve administrative, në fushën e tyre të inspektimit, pikët konkrete për secilin nga treguesit e faktorëve, brenda kufijve të caktuar për respektimin e kërkesës ligjore, duke marrë si standard praktikën më të mira kombëtare dhe ndërkombëtare.

#### VI. SISTEMI I PIKËZIMIT

1. Klasifikimi dhe sistematizimi i faktorëve të përcaktuar për secilin inspektorat qendror inspektorat vendor apo strukturë inspektuese, realizohet nëpërmjet llogaritjes së shumës së pikëve për të gjithë treguesit, dhe siguron proporcionalitetin në përcaktimin e masës së dënimit administrativ.
2. Matja e ndikimit të faktorëve në vlerën e dënimit realizohet nëpërmjet bashkimit të shumës së secilit faktor sipas pikës 1, të këtij kreu.
3. Shkalla e pikëzimit përcakton vlerën e masës administrative, në intervalin e dënimit administrativ, që parashikohen në legjislacionin e posaçëm, për çdo shkelje të kërkesave ligjore.
4. Sistemi i pikëzimit lidh kategoritë e shkeljeve me faktorët e vlerësimit, ku dënimi administrativ i përshtatshëm përcaktohet nga shuma totale pikëve të grumbulluara.

## VII. IMPLEMENTIMI I METODOLOGJISË SË DËNIMIT ADMINISTRATIV NË SISTEMIN ELEKTRONIK TË INSPEKTIMEVE

1. Sistemi i pikëzimit, për vlerësimin e dënimit administrativ, implementohet në sistemin elektronik të inspektimit “e-Inspektimi”, sipas metodologjisë së përcaktimit të dënimeve administrative në këtë sistem, si dhe specifikave për çdo inspektorat qendror, vendor apo strukturë inspektuese.
2. Sistemi elektronik “e-Inspektimi” përdor algoritme për të llogaritur pikët në bazë të tabelës së pikëzimit për faktorët e vlerësuar.
3. Vendimi përfundimtar i inspektimit merret pas përcaktimit të masës së dënimit administrativ sipas sistemit të pikëzimit.
4. Trupa inspektuese, gjatë procesit të inspektimit, hedh në sistemin elektronik të inspektimit, të dhënat e konstatuara në subjekt.
5. Sistemi elektronik “e-Inspektimi” në mënyrë të strukturuar dhe të automatizuar përcakton dënimin administrativ përkatës sipas tabelës së pikëzimit të faktorëve të vlerësuar.
6. Vendimi përfundimtar i inspektimit shoqërohet nga dokumenti i matricës që gjeneron sistemi për dënimin administrativ sipas Aneksit I.
7. Dokumenti i matricës, i gjeneruar nga sistemi “e-Inspektimi”, përmban informacionin mbi shkeljen e konstatuar, pikët e atribuara dhe dënimin administrativ të propozuar.

## VIII. KLASIFIKIMI I DËNIMEVE ADMINISTRATIVE

1. Shkelja e kërkesave ligjore që konstatohet nga trupa inspektuese, gjatë kryerjes së procedurës inspektuese, kur nuk përbën kundërvajtje penale, përbën kundërvajtje administrative, për të cilën vendoset dënim administrativ përkatës, për arritjen e qëllimit të inspektimit.
2. Dënimet administrative, sipas ligjit për inspektimin, klasifikohen në dënime administrative kryesore dhe dënime administrative plotësuese.
3. Dënim administrativ kryesor mund të jepet bashkë me dënime plotësuese, sipas përcaktimit në ligjin e posaçëm.
4. Për të njëjtën shkelje mund të vendoset një dënim administrativ kryesor dhe një apo më shumë dënime plotësuese.
5. Dënime administrative kryesore janë:
  - a) Paralajmërimi;
  - b) Masa administrative “Gjobë”;
  - c) Pezullim aktiviteti;
  - d) Shfuqizimi i lejes, licencës ose autorizimit;
  - e) Prishja e objektit, të rezultuar me shkelje të kërkesave ligjore;
  - ç) Çdo masë tjetër e kësaj kategorie, e parashikuar në ligjin e posaçëm.
6. Dënime administrative plotësuese janë:
  - a) Masa administrative “Gjobë”, e përcaktuar si dënim plotësues në ligjin e posaçëm;
  - b) Pezullimi i aktivitetit, i përcaktuar si dënim plotësues në ligjin e posaçëm;
  - c) Masa administrative “Gjobë” për moskorrigjimin e shkeljes së kërkesës ligjore;

- ç) Çdo masë tjetër administrative e barazvlefshme me to sipas ligjit të posaçëm.
7. Paralajmërimi është dënimi administrativ kryesor në inspektimin e parë të trupës së inspektimit dhe në të gjitha rastet kur konstatohen shkelje të kërkesave ligjore, që përbëjnë kundërvajtje administrative. Inspektim i parë” është çdo inspektim i trupës inspektuese me qëllim vlerësimin e përputhshmërisë me kërkesat ligjore të veprimtarisë së subjektit të inspektimit, sipas programit mujor të inspektimit ose përjashtimisht jashtë programit mujor të inspektimit, sipas përcaktimeve në ligjin nr. 99/2024, “Për inspektimin në Republikën e Shqipërisë”.
  8. Dënimi administrativ kryesor me paralajmërim nuk zbatohet në rastet e shkeljeve të rënda për të cilat parashikohet masa e pezullimit të aktivitetit, sipas ligjit të posaçëm.
  9. Dënimi administrativ kryesor “paralajmërim” merret nga trupa inspektuese edhe kur konstaton shkelje të kërkesave ligjore, që përbën kundërvajtje administrative, por që pasoja e ardhur është e vogël, apo për të cilën ligji i posaçëm nuk parashikon dënimin përkatës administrativ.
  10. Dënimi administrativ kryesor me paralajmërim shoqërohet me urdhërimin e subjektit për të korrigjuar shkeljet e konstatuara dhe për të eliminuar pasojat e tyre, duke përcaktuar edhe një afat të arsyeshëm për këtë qëllim. Vendimi përfshin edhe këshillimin me shkrim të subjektit për mënyrën e korrigjimit të shkeljeve.
  11. Çdo inspektorat qendror, inspektorat vendor dhe strukturë inspektuese harton rregulloren e metodologjisë së përcaktimit të dënimeve në fushën e tij të inspektimit, ku përcakton në mënyrë specifike dhe sipas sistemit të pikëzimit të gjitha shkeljet e kërkesave ligjore, si dhe ato me rëndësi të vogël, që përbëjnë kundërvajtje administrative ose për të cilat ligji i posaçëm nuk parashikon dënim administrativ, për të cilat subjekti dënohet me “paralajmërim”.
  12. Kjo rregullore i paraqitet për dhënie mendimi Inspektorit të Përgjithshëm, i cili ja dërgon për miratim ministrit përgjegjës.

## IX. DISPOZITA TË FUNDIT

1. Ngarkohen inspektoratet qendrore, inspektoratet vendore dhe strukturat e tjera inspektuese të hartojnë dhe miratojnë rregulloret e tyre sipas metodologjisë së përgjithshme të përcaktimit të dënimeve administrative, në fushën e tyre të inspektimit, sipas parashikimeve të pikës 8, të nenit 44, të ligjit nr. 99/2024, datë 12.09.2024, “Për inspektimin në Republikën Shqipërisë”.

**Aneks I**

**CAKTIMI I DËNIMIT ADMINISTRATIV**

Nr. III/00000007/VP

Datë \_\_\_\_/\_\_\_\_/\_\_\_\_

\_\_\_\_\_  
(Emërtimi i inspektoratit)

\_\_\_\_\_  
(Në rast të drejtorive rajonale – Drejtoria rajonale)

Emri i subjektit (kjo pjesë plotësohet nga sistemi)



Në zbatim të nenit 43, të ligjit nr. 99/2024, datë 12.09.2024, “Për inspektimin në Republikën e Shqipërisë”,

Shpjegimi i fakteve që janë bërë shkak për vendosje të dënimit administrativ:

Faktorët e dënimit administrativ

| Nr. | FAKTORËT                                                                                                                                                                                                    | PIKËT |
|-----|-------------------------------------------------------------------------------------------------------------------------------------------------------------------------------------------------------------|-------|
| 1   | <b>Qëllimi, nëse shkelja është kryer me dashje ose nga pakujdesia</b>                                                                                                                                       |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |
| 2   | <b>Natyra, rëndësia dhe kohëzgjatja e shkeljes, duke marrë parasysh natyrën, objektin ose qëllimin e veprimtarisë së subjektit</b>                                                                          |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |
| 3   | <b>Dëmin e shkaktuar ndaj interesit publik dhe të interesave të ligjshëm të personave fizikë e juridikë, numrin e personave të tretë të dëmtuar, nëse ka, si dhe nivelin e dëmit të shkaktuar ndaj tyre</b> |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |
| 4   | <b>Çdo veprim që subjekti ka ndërmarrë për të zbutur dëmin e shkaktuar</b>                                                                                                                                  |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |
| 5   | <b>Shkalla e përgjegjësisë së subjektit, duke marrë parasysh masat e zbatuara prej tij për të garantuar zbatimin e ligjit</b>                                                                               |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |
| 6   | <b>Historiku i shkeljeve, veçanërisht kur ato janë të ngjashme me shkeljet në shqyrtim</b>                                                                                                                  |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |
| 7   | <b>Bashkëpunimi me institucionin përkatës për të eliminuar apo zgjidhur problemet në kohë</b>                                                                                                               |       |
|     | Treguesi 1...                                                                                                                                                                                               |       |
|     | Treguesi 2...                                                                                                                                                                                               |       |
|     | Treguesi n...                                                                                                                                                                                               |       |

|                        |                                                                                                                                                                                                                |  |
|------------------------|----------------------------------------------------------------------------------------------------------------------------------------------------------------------------------------------------------------|--|
| 8                      | <b>Zbatimi i masave për korrigjimin e shkeljeve, kur përpara shkeljes për të cilën jepet dënimi administrativ, këto masa janë dhënë ndaj subjektit në lidhje me të njëjtën shkelje ose shkelje të ngjashme</b> |  |
|                        | Treguesi 1...                                                                                                                                                                                                  |  |
|                        | Treguesi 2...                                                                                                                                                                                                  |  |
|                        | Treguesi n...                                                                                                                                                                                                  |  |
| 9                      | <b>Afati i korrigjimit të shkeljeve të kërkesave ligjore dhe eliminimit të pasojave që rrjedhin prej tyre</b>                                                                                                  |  |
|                        | Treguesi 1...                                                                                                                                                                                                  |  |
|                        | Treguesi 2...                                                                                                                                                                                                  |  |
|                        | Treguesi n...                                                                                                                                                                                                  |  |
| 10                     | <b>Madhësia e subjektit të inspektimit dhe vëllimi i punës që kryen</b>                                                                                                                                        |  |
|                        | Treguesi 1...                                                                                                                                                                                                  |  |
|                        | Treguesi 2...                                                                                                                                                                                                  |  |
|                        | Treguesi n...                                                                                                                                                                                                  |  |
| 11                     | <b>Eksperiencia/vjetërsia në punë e subjektit të inspektimit</b>                                                                                                                                               |  |
|                        | Treguesi 1...                                                                                                                                                                                                  |  |
|                        | Treguesi 2...                                                                                                                                                                                                  |  |
|                        | Treguesi n...                                                                                                                                                                                                  |  |
| 12                     | <b>Çdo rrethanë tjetër rënduese ose lehtësuese që lidhet me rrethanat e çështjes, si përfitimet financiare ose humbjet e shmangura, në mënyrë të drejtpërdrejtë ose tërthorazi nga shkelja</b>                 |  |
|                        | Treguesi 1...                                                                                                                                                                                                  |  |
|                        | Treguesi 2...                                                                                                                                                                                                  |  |
|                        | Treguesi n...                                                                                                                                                                                                  |  |
| <b>Totali i Pikëve</b> |                                                                                                                                                                                                                |  |

#### **Shembull Praktik i Caktimit të Dënimit Administrativ**

*Totali i pikëve është 100 pikë*

*Intervali i dënimit administrativ: 100 000-500 000*

- |    |                                                       |      |
|----|-------------------------------------------------------|------|
| a) | deri në 20 pikë caktohet dënimi administrativ 100 000 | 10 % |
| b) | 21 deri 30 pikë caktohet dënimi administrativ 200 000 | 30 % |
| c) | 31 deri 40 pikë caktohet dënimi administrativ 300 000 | 50 % |
| ç) | 41 deri 50 pikë caktohet dënimi administrativ 400 000 | 70 % |
| d) | Mbi 50 pikë caktohet dënimi administrativ 500 000     | 100% |

*Shënim: Pikëzimi përcaktohet sipas metodologjisë përkatëse të secilit inspektorat/strukturë inspektuese*